

ত্রিপুরা হাফাঙ
ককথুম তেই হুকুমু দাগিখুঙ

স-২৪০৫

আগরতলা, ১৮ আগস্ট, ২০২৫

উমাকান্ত স্টেডিয়ামঅ নাইথথক ফুটবল ম্যাচঅ মন্ত্ৰি অকীরা

আগরতলান' খব্বাই জত' হাঙখর'ন' কীতাল

খীঙমুঙনি বেখেৰেপ সীনামজাগীই তঙগ'

হাসতে হাফাঙ নায়' ফুটবলন' খব্বাই জুদা জুদা খীঙমুঙগ' বাসকাঙনি আচায়সঙনি সুডারনি হামকীরাইনি বাগীই সেপ আংথুন। আব'নি বাগীইন' হাফাঙনি বাখাকতীই খীঙমুঙনি জুদা জুদা বেখেৰেপন' হামকীরাই খীলায়জাগীই তঙগ'। হাসতেঅ ফুটবলন' খব্বাই কুবুনি খীঙমুঙগ'ব' সুডারগীনাং খীঙকীরাঙনি বিয়াল কীরাই। থাংনাই ১৭ আগস্টঅ উমাকান্ত স্টেডিয়ামঅ কলকাতানি ইষ্ট বেঙ্গল বায় মোহনবাগান ক্লাবনি কীচাম খীঙনাইরগনি বিসিংগ' কায়সা নাইথথক ফুটবল ম্যাচন' চেঙগীই ককথুমনাইরগন' অ কক সাখা মন্ত্ৰি অকীরা প্ৰফেসর (ডা.) মানিক সাহা। মন্ত্ৰি অকীরা ফুটবলন' কিক রিউই এমএল সাহা মেমোরিয়াল লেজেণ্ডস কাপ ফুটবল ম্যাচন' চেঙগীই রিখা।

মন্ত্ৰি অকীরা তেইব' সাখা, ইষ্ট বেঙ্গল বায় মোহনবাগান হাই কতর বদলরগনি খীঙনাইরগন' তুবুউই অব'হাই খীঙমুঙ সঙচামানি সয় নাহারমুঙ আংখা হাসতেনি তাবুকনি আচায়সঙনি খীঙকীরাঙরগন' খাতুঙরিনানি। হাসতে হাফাঙ নায়' ত্ৰিপুরানি সিকলা-সিকলিৰগ ফুটবলন' খব্বাই জুদা জুদা খীঙমুঙগ'ব' বরগনি সুডারন' হামকীরাই খীলায়ীই হাসতেনি মুঙন' হাকতর তেই হায়ুঙরেম' তীলাংগীই থাংনানি বাগীই। আগরতলান' খব্বাই জত' হাঙখর'ন' কীতাল খীঙমুঙনি বেখেৰেপ সীনামজাগীই তঙগ'। খীঙমুঙ চেঙনানি সীকাঙ মন্ত্ৰি অকীরা বাবাইনীয় বদলনি খীঙনাইরগবাই সিনিমুঙ নাখা। মন্ত্ৰি অকীরানি লগিঅ তঙগ' সিকলা হামকীরাই তেই খীঙ নাইখুঙনি মন্ত্ৰি টিঙ্কু রায়, আগরতলা পুর নিগমনি মেয়র হাইয়াখেবা এমএলএ দীপক মজুমদার, অল ইন্ডিয়া ফুটবল ফেডাৰেশননি প্ৰেসিডেন্ট কল্যাণ চৌবে আক'সঙ। নাইথথক ফুটবল ম্যাচঅ ১-০ গোলঅ ইষ্ট বেঙ্গল ক্লাব কীপলায় আংখা। খীঙমুঙনি পাইথাগ' সিকলা তেই খীঙ নাইখুঙনি মন্ত্ৰি টিঙ্কু রায়, ত্ৰিপুরা ফুটবল অ্যাসোসিয়েশননি প্ৰেসিডেন্ট প্ৰণব সরকার তেই কুবুনি নারুডাইরগ কীপলায় আংনাই বদলনি য়াগ' সকাত য়াফারীই রিখা।
